

ՀԱՊԱՌՈՐԴՈՒԹՅՈՒՆ

ԱՐՄԻՆԵ ԵՓՐԻԿՅԱՆ

պարմական գիյր. թեկնածու

ԳՈՂԹՆԻ 1919 Թ. ԻՆՔՆԱՊԱՇՏՊԱՆՈՒԹՅՈՒՆԸ

Առաջին աշխարհամարտում Օսմանյան Թուրքիայի պարությունը և Մուդրոսի գլխաղաղարի մասին լուրերը հայ ժողովուրդը ցնծությամբ ընդունեց: Թվում էր, թե Ղա-յասպանում ընդհանրապես, Նախիջևանի գավառում՝ մասնավորապես խաղաղություն կհաստատվի և բոլոր հարցերը արդարացի կլուծվեն:

1918 թ. նոյեմբերի վերջին թուրքական զորքերը սկսեցին հեռանալ Ղայասպանից: Ղանրապետության իշխանությունները շրապ միջոցներ ձեռնարկեցին թուրքերի կողմից դարարկվող քաղաքները զորքեր մարցնելու և քեղական վարչակազմեր ձեւավորելու համար: Ղ ներքին գործերի նախարարի 1918 թ. նոյեմբերի 30-ի կարգադրությամբ Ղա-յասպանի իշխանության ենթակայության քակ անցնող քաղաքներում նշանակվեցին կոմիսարներ: Նախիջևանի գավառային կոմիսար նշանակվեց Գ. Տեր-Ղարությունյա-նը (Նժդեհը): Նշանակվում են նաև նրա օգնականը և գավառակների կոմիսարները¹: Դեկտեմբերի 6-ին հանրապետության կառավարությունը որոշում է հաշարար քաժան-մունքներ և քննչական մասեր քացել Շարուրում (Բաշ-Նորաշենում), Նախիջևանում և Օրդուքաղում:

Մակայն դեպքերի գարգացումն այլ ընթացք սքացավ: 1918 թ. վերջին բռնկվեց հայ-վրացական պարերազմը, և կառավարությունը հարկադրված ողջ ուշադրությունը կենտրոնացրեց Ղայասպանի հյուսիսային սահմաններում սկսված մարքական գործո-ղությունների վրա:

Թուրքերի հեռանալուց հետո հայկական զորքերի հետ իրենց հայրենի օջախներ սկսեցին վերադառնալ արևելահայ գաղթականները, այդ թվում նաև շարուրցիներն ու նախիջևանցիները: Վախենալով վրեժխնդրությունից, ինչպես նաև չցանկանալով կորցնել իրենց ձեռքն անցած հայերի ունեցվածքը, Շարուր-Նախիջևանի քարքեր վայ-րերից սկսվեց հեռագրերի հեղեղ Թավրիզ՝ պարսից թագաժառանգ Ղազարթ Վալային՝ «խնդրելով օգնութիւն, միջնորդութիւն, որ հայերը չկորորեն իրենց, որ հայերի սոսկալի ջարդերից ազաքեն իրենց»²:

1 Տէն ԲՂԱ, 1933, թ. 1-2, էջ 58:

2 Տէն ՂԱԱ, ք. 200, ց. 1, գ. 212, թ. 5:

Նայկական իշխանությունների անկազմակերպ, անհետևողական ու անհաշվենկապ, անվճռական քայլերը, արդի հայության անպարտասպանությունը՝ վճռականորեն արևը կանգնելու իր հայրենիքին, գումարվելով ՄՏ թուլությանը և Անգլիայի հակահայկական դիրքորոշմանը, օբյեկտիվորեն խոչընդոտեցին ՄՏ օրինական իշխանության ամբողջական և ամուր հաստատմանը Նախիջևանում:

Նախիջևանի թուրք բնակչության ղեկավարությունը բացեիքաց ցույց էր ցույց իր հակահայկական քրաճաղության և հայկական իշխանության քրապալման ձգտումները:

Գողթնում, որը Նախիջևանում հայկական իշխանության օրոք գավառի կարգավիճակ էր ստացել՝ Օրդուբադի փոխարեն կենտրոն ունենալով Ագուլիսը, կյանքը կարծես խաղաղ հունի մեջ էր մտնում և որոշ ժամանակ հայերի ու թուրքերի միջև հարաբերությունները կարգավորվել էին: Սակայն դա լուրջ թվացյալ էր: Նախիջևանի հայերի նահանջից ոգևորված Գողթնի մահմեդականները արդեն հուլիսի 25-ին ուժեղ կոիվներ սկսեցին: Գողթնի գավառային կոմիտար Աշոտ Մելիք-Մուսյանը օգոստոսի 3-ին և 18-ին հաղորդում էր, որ հայկական Վերին և Ներքին Ազա, Դեր, Շուռուք, Փորաղաշար, Գյաղ գյուղերը, իսկ Ղազանչի գյուղից 500 հոգի մուսուլմանների ճնշման քակ անցել էր Գողթնի լեռնային հարված, այդ ընթացքում հայերը ոչնչացրել են թաթարական Բիլավ և Բեյրուք գյուղերը: 10-օրյա համառ կոիվներից հետո ընկնում է Տանակերպ հայկական գյուղը: Նապկապես դաժանորեն է ոչնչացվում հայկական փոքրիկ Բաղաբիկ կոչվող գյուղը: Գյուղի մի խումբ երիտասարդների հաջողվում է հեռանալ լեռներ, մնացած ողջ բնակչությունը ոչնչացվում է, բացի 40-50 երիտասարդ աղջիկներից, որոնք գերեվարվում են³:

Տանակերպի անկումից և Բաղաբիկի կոտորածից հետո երկու Ագուլիսները ճանաչում են Ադրբեջանի իշխանությունը⁴: Վ. Ագուլիսի ժողովուրդը Օրդուբադում գերվող Ադրբեջանի իշխանության ներկայացուցչին քալիս է մտաբերապես հետևյալ բովանդակությամբ համախոսական. «Մենք, Վ. Ագուլիսի ժողովուրդս, ճանաչում ենք Ադրբեջանի կառավարության Օրդուբադում գերվող ներկայացուցիչին և խնդրում ենք նրա հովանավորությունը»⁵: Ագուլիսների օրինակին հետևում է Յոնայի (Չանանաբ) բնակչությունը: Սրանք ևս երեք պարզամավոր են ուղարկում Օրդուբադ և խոսք քալիս համերաշխ ապրել հարևան թուրքերի հետ⁶:

Այդ օրերին գավառապետ Աշոտ Մելիք-Մուսյանը գերվում էր Ռամիսում և նահապարձակ լինելու ծրագրեր էր մշակում: Այսպես օգոստոսի 25-ին գումարվեց Գողթնի հայության 5-րդ համագումարը, որին մասնակցում էին Բիսպ, Փառակա, Ալահի, Մեսրոպավան, Ռամիս, Տանակերպ, Բաղաբիկ, Դեկսար, Շուռուք, Փորաղաշար, Գյաղ,

3 Տե՛ս Ն. Նախնազարյան, Գողթան գավառ, Թեհրան, 1991, էջ 334:

4 Տե՛ս ՆԱԱ, ֆ. 119, ց. 1, գ. 95, թ. 5, ֆ. 201, ց. 1, գ. 170, թթ. 19-20:

5 Տե՛ս ՆԱԱ, ֆ. 314, ց. 1, գ. 41, թ. 11:

6 Տե՛ս անդ:

Ղազանչի, Ազա և Դեր գյուղերի 40 պարզամաղորներ: Քննարկվեց սրտեղծված դրոշմները և ընդունվեցին որոշումներ: Դրանք մասնավորապես նախատեսում էին պարզել Նայասարանի կառավարության վերաբերմունքը դեպի Գողթնը, հնարավոր միջոցները Գողթնը ապահովելու դրսի ուժով, հացով և դրամով, սերյա կապ հաստատել Գենվազի, Ղափանի և Գորիսի հետ, և խնդրել Զանգեզուրի ղեկավարությանը հովանավորել և կառավարել Գողթնը: Որոշումների վերջում նախատեսվում էր դիմել Նայասարանի կառավարությանը, և եթե «Նայասարանի կառավարությունը զլանալու լինի անմիջապես պարասխանելու Գողթնի դրած հարցերին, այն ժամանակ համագումարը այս արձանագրությունը իր բոլոր մանրամասնություններով, լրագիրների միջոցով, հասարակական լայն խավերի նիւթ է դարձնելու և իր դասը հանձնելու համայն հայության պաշտպանությունը»⁷:

Համագումարի որոշումները գավառի միլիցիայի պետ Մովսես Գյուլնազարյանը Զանգեզուրով հասցրեց Երևան և սեպտեմբերի 8-ին երկու գեկուցագիր ներկայացրեց՝ մեկը Նախարարների խորհրդին, մյուսը ներքին գործերի նախարարին: Ներկայացնելով սրտեղծված իրադրությունը, նա համագումարի անունից խնդրեց ՆՆ կառավարության գրավոր հրահանգները Գողթնի անեկիթների մասին⁸:

ՆՆ կառավարությունը սեպտեմբերի 9-ին քննարկելով Գողթնի մասին հարցը, որոշեց դրամի պահանջը բավարարել, իսկ հաց ու մարդիկ ուղարկելը համարեց անհնար⁹: Նույն օրն էլ պարտասպանեցին 5-րդ համագումարի նախագահությանն ուղարկվող այս հրահանգները: «Երևանի հայությունը միշտ եղբայրական սրտացավ վերաբերմունք է ունեցել և ունի դեպի Գողթանի անջարված հայ ազգաբնակչությունը:

Եթե մեզինք պեղեկություններն ու լուրերը ուշ են սրացվում, դրա պարճառը հաղորդագրության դժվարությունն ու ճանապարհների հեռավորությունն է: Ուղարկում ենք Ձեզ վերջին լուրերն ու թերթերը: Բանակցություններ ենք վարում գլխավոր կոմիսար գնդապետ Նասկելի հետ՝ Նախիջևանի և Շարուրի գավառներում ամերիկյան նահանգապետություն հաստատելու համար: Ձեզ մոտ նրա նեկայացուցիչը Դ-ը Աշերը իր հետ բերում է փող և դեղորայք:

Ազգային խորհուրդը, եթե առանձին ազգային վրանգ չի սպառնում՝ թող մնա իր տեղը, իսկ եթե որևէ անապահովություն է զգացվում, լավ կլինի, որ ժամանակավորապես փոխադրվի Զանգեզուր:

Մենք ուժի չենք դիմելու և ոչ էլ ուժով ենք գալու ձեզ մոտ, մեր ցանկությունն է համաձայնության ճամփով բանալ երկաթուղին և ալյուր ուղարկել:

Չպետք է մոռանանք, որ Նայասարան ինքն էլ անընդհատ ենթարկվում է հարձակումների գրեթե իր բոլոր սահմաններում, և չնայած այդ ծանր դրության մենք միշտ հի-

7 Տե՛ս ՆԱԱ, ֆ. 199, ց. 1, գ. 95, թթ. 2-4:

8 Տե՛ս ՆԱԱ, ֆ. 201, ց. 1, գ. 170, թթ. 22-23:

9 Տե՛ս ՆԱԱ, ֆ. 201, ց. 1, գ. 170, թ. 21:

շում ենք Գողթանն ու նրա բնակչությունը և ամեն կերպ աշխատում աջակցություն ցույց տալ մեզնից անջատված մեր հարազատ եղբայրներին»¹⁰;

Իրականում ՄԿ կառավարությունը գաղտնի կերպով ստեղծում է երկու ջոկատ՝ Գարեգին Նժդեհի և Ղազար Քոչարյանի (Քաջալ Ղազար) գլխավորությամբ, որոնք Դարալագյազի և Զանգեզուրի վրայով պետք է անցնեին Գողթն, փաստորեն իրականացնելով Ա. Մելիք-Մուսյանի օգոստոսի 3-ի խնդրանքը, որում նշվում էր. «Փրկված է Գողթնը, եթե գոնե 400 սրտացավ հայ զինվոր մեզ օգնության հասնեն»¹¹: Եթե հանգամանքների բերումով Նժդեհը մնաց Մեղրիում և կազմակերպեց Ղափան-Գեղվազի պաշարպանությունը, ապա Ղ. Քոչարյանը հոկտեմբերի 2-ին հասավ Գողթն:

Նրա ժամանումը որոշ չափով հուսադրեց գավառի պաշարպաններին: Վայկական ուժերի թիվը հասնում էր յոթ-ութ հարյուրի, երկու թնդանոթներով և 6 գնդացիներով: Մեկտեղված հոկտեմբեր ամիսներին գավառում դրությունը հանգիստ էր, բայց նոյեմբերին, Զանգեզուրում ադրեջանական ուժերի խայրառակ պարությունից հետո, Գողթնում նորից սկսվեցին հարձակումները հայկական գյուղերի վրա:

Նոյեմբերի 10-ին Օրդուբադի մահմեդականները հարձակում սկսեցին Նազովազի և Ալահիի ուղղությամբ, սակայն 5-ժամյա համառ պայքարից հետո թշնամին հետ շարժվեց, կրելով մեծ կորուստներ¹²: Երկրորդ հարձակումը սկսվեց 25-ին, որը նույնպես հայկական ուժերը հաջողությամբ հետ մղեցին: Դեկտեմբերի 5-ին Նժդեհը հեռագրում է Երևան. «նոյեմբերի 25-ին թշնամին երկրորդ անգամ շրջապարեց Նազովազ-Ալահի-Բիսպը: Կռիվը տևեց 7-ից 14 ժամ: Ջոկատը ցույց տվեց համառ դիմադրություն, երբ է շարժվել թշնամուն, գրավել գերիներ և մեկ դրոշ: Թշնամին թողել է մինչև հիսուն դիակ, հարկապես բռնեց մեր հրեպանու կրակից թշնամու հեծելագործը: Նույն օրը Օրդուբադի ուժերը երկու կողմից հարձակվեցին Ռամիսի վրա և այդ հարձակումը ավարտվեց թշնամու լրիվ պարություն: Նժդեհ»¹³:

Պաշարված վիճակում, թիկունքում ունենալով Ողջիի և Գեղվաձորի թշնամաբար փրամադրված թուրքաբնակ գյուղերը, հնարավոր չէր երկար դիմադրել, ահա թե ինչու Ղափան-Գեղվազի և Գողթնի զինված ուժերի հրամանադրությունը որոշեց մաքրել այդ շրջանները թուրքական գյուղերից: 1919 թ. նոյեմբերի 18-ին Գողթնի, իսկ 21-ին Ղափանի հայկական ուժերը մտան Ողջիի ձոր և բռնեցին թուրքերին, իսկ դեկտեմբերի 1-ին Նժդեհի հրամանադրությամբ հայկական ուժերը մտան Գեղվաձոր և 7-8 օրվա ընթացքում այդ փրամաձորը ևս մաքրեցին թշնամուց, որը փախչելով անցավ Նախիջևան¹⁴: Նժդեհը պարտաստվում էր շարժվել Օրդուբադի վրա, սակայն Զանգեզուրում հայկական ուժերի հրամանադրար գեներալ Ղազարյանը հրամայեց դադարեցնել հարձակումը¹⁵:

¹⁰ ՄԱՄ, ֆ. 199, ց. 1, գ. 95, թ. 1:

¹¹ ՄԱՄ, ֆ. 201, ց. 1, գ. 170, թ. 20:

¹² ՏՆՍ ՄԱՄ, ֆ. 199, ց. 1, գ. 110, թ. 18:

¹³ ՏՆՍ ՄԱՄ, ֆ. 200, ց. 1, գ. 50, թ. 378:

¹⁴ ՏՆՍ ՄԱՄ, գ. 475, թ. 53 շրջ.:

¹⁵ ՏՆՍ անդ:

Մի քանի օր անց՝ դեկտեմբերի 18-ին Ողջիի և Ջանգեզուրի թուրքերը փախչող թուրքական խումանի հետ ներխուժեցին Ներքին Ազուլիս և սկսեցին կոտորել ու թալանել հայ բնակչությանը: Դեպքերի ականատես, կոտորածից փրկված Ազուլիսի հաշտարար դարավոր Նովհաննես Տեր-Անյունյանը 1920 թ. հունվարին Երևանում հայտնում էր, որ Ներքին Ազուլիսի բնակիչները, թողնելով բնակարանները և ունեցվածքը, իսկ ռմանք էլ իրենց երեխաներին և ծերերին, փախչում էին Վերին Ազուլիս¹⁶:

Այն, ինչ հեղաշարժ օրերին կարարվեց Վ. Ազուլիսում, շարք բնորոշիչ է մի կողմից հայերի միամտությունը, մյուս կողմից՝ թուրքերի դավադիր և արնախում էությունը ներկայացնելու առումով:

Վ. Ազուլիսի հայերը, որքան էլ փարօրինակ է, հաջորդ օրը դիմեցին Օրդուբադի գավառապետ Աբաս Կուլի Թաիրովին, քաղաքի պարետ, թուրք կապիտան Էդիֆ բեյին մուսուլման բնակչությունից Վ. Ազուլիսը պաշտպանելու խնդրանքով: Նույն օրը Վ. Ազուլիս ժամանեց Էդիֆ բեյը և, փեղավորվելով Աբաս Տեր-Միքայելյանի փանը, դիմեց Նախիջևանում գտնվող Խալիլ բեյին՝ գործ ուղարկելու, բայց ստացավ բացասական պատասխան, թե Նախիջևանում անիշխանություն է, և ինքը գործ չի կարող ուղարկել: Էդիֆ բեյը հայերին խոստացավ գործ բերել փախ Բայազետից կամ անձամբ հայերին ուղեկցել մինչև սահմանագլուխ: Երեք-չորս օր անց Վ. Ազուլիսում սկսեցին կոտորակել թուրք խումանը: Քաղաքի բնակիչները դիմեցին Էդիֆ բեյին և խնդրեցին հրամայել եկվոր թաթարներին հեռանալ: Նա թեպետ խոստացավ դա անել, սակայն խումանի թիվը ավելի շարացավ: 1919 թ. դեկտեմբերի 24-ին Վ. Ազուլիս ժամանեցին Ա. Թաիրովը և փախչող հոգևոր շեյխը և փեղավորվեցին Տեր-Միքայելյանի փանը: Նրանց ժամանումից մեկ ժամ հետո քաղաքի փողոցներում սկսվեց կոտորածը և հայկական թաղամասի հրդեհը: Շեյխը հայերին փեղափախում է մուսուլմանական հարված և փեղավորում մի քանի փնտրում: Հաջորդ օրը կեսօրին հրահանգ է ստացվում, թե հայերին պետք է փեղափոխել Չանառաք (Յոնա) և որ նրանց ուղեկցելու է ռմն Սաթուր, որը հայտնի ավագակ էր: Բնակչությունը այդ խմանալով սարսափում է և նորից դիմում Էդիֆ բեյին, որ նա անձամբ ուղեկցի հայերին: Սակայն վերջինս թաքնվում է հայերից, իսկ միլիցիաները սկսում են հայերին մարակներով դուրս հանել փնտրից և հանձնել կանոնավոր գործադատներին, որոնք երկու ժամում կոտորում են բոլորին: Ալան-թալանի միջոցին Ն. Տեր-Անյունյանին հաջողվում է փախչել և հասնել Յոնա, այնպեղից էլ Երևան¹⁷:

ՆԱ արարաքին գործերի նախարարության կազմած փեղեկագրի համաձայն, Ն. Ազուլիսում կոտորվել էր 700, իսկ Վ. Ազուլիսում՝ 1000 հայ բնակիչ¹⁸:

Գրականության մեջ երբեմն Ազուլիսների անկումը բացատրվում է Գեղվաձորի դեպքերով: Մասնավորապես, Ն. Հախնազարյանը հաճախ է կրկնում, որ եթե չլիներ

16 Տե՛ս ՆԱԱ, ֆ. 200, ց. 1, գ. 427, թթ. 72-73:

17 Տե՛ս անդ:

18 Տե՛ս ՆԱԱ, ֆ. 368, ց. 1, գ. 5, թ. 105:

Գեղվաձորի ղեպերը, Ագուլիսները կանգուն կլինեին¹⁹: Նույնն են ասել նաև Նախիջևանի թուրք-ադրբեջանական իշխանությունները: Պարասխանելով Զանգեզուրի՝ 1919 թ. դեկտեմբերի 27-ի վերջնագրին հայերի կոպորացիաները վերջ տալու մասին, այսպես կոչված Տարավ-արևմտյան Ադրբեջանի (Նախիջևանի) գեներալ-նահանգապետը մեղքը բարդում էր Ռոջիի և Կիզի-Դարասի գազազած փախստականների վրա: Այդ բացառությունն անհերթ է, մերժելի²⁰: Գուցե այն պարճառով, որ թուրքերը հայերի ջարդերը իրականացնում էին համարարած ձեռով՝ անկախ հայերի պահվածքից:

Անանուն հեղինակը, նկարագրելով Ղափան-Գենվազի և Գողթնի 1919 թ. աշնանային ղեպերը, գրում է. «Ագուլիսի թուլամորթ հայերը, կուրորեն հավաքալով (Էդիֆիլի) խոսքումին, ոչ գաղթում են դեպի Յդուա և ոչ էլ օգնություն խնդրում Գողթնի գորամասից, չնայած Ն. Ագուլիսը կուրորելուց հետո անմիջապես գորամասի պետ Բոջարյանը քանիցս անգամ դիմում է Վ. ագուլիսցիներին, որպեսզի նրանք համաձայնեն, թույլ տան գիշերով 200 զինվորներ մարցնենք այդ գյուղը, թե իրենց պաշտպանենք և Ագուլիսները բազա սրելծենք Օրդուբադի դեմ գործողություններ սկսելու: Պարասխանը միշտ էլ լինում էր նույնը. «Մեզ հետ գործ չունեք, մենք հաշտ ապրում ենք թուրքերի հետ և թե մեր սիրելի Էդիֆիլ խոսքացել է ինչ գնով էլ լինի մեզ պաշտպանել»: Ահա այդպես Ագուլիսները գոհ գնացին իրենց կույր հավաքին դեպի Էդիֆիլները և ընկերները»²¹:

Իսկ ինչպիսի՞ն էր ՏՏ կառավարության վերաբերմունքը այս ամենի նկատմամբ: Ագուլիսցիների կոպորացիաների կապակցությամբ ՏՏ կառավարությունը վճռական բողոքով դիմեց Դաշնակից պետությունների ներկայացուցիչներին և դեկտեմբերի 29-ի հեռագրով պահանջեց անհապաղ ձեռնարկել նոր միջոցներ արյունահեղությունների առաջն առնելու համար: Միաժամանակ նշվում է, որ Նախիջևանը փաստորեն գրավում է թուրք-ադրբեջանցիների իշխանության ներքո և որ հայկական բնակչության կոպորացիաներն իրականացվել են թուրքական սպաների ղեկավարությամբ²²: Նաջոդ օրը նույն բովանդակությամբ հեռագիր ուղարկվեց նաև Ադրբեջանի և Վրաստանի արքայքին գործերի նախարարներին, որտեղ Ադրբեջանի կառավարությունը մեղադրվում էր 1919 թ. նոյեմբերի 23-ի հայ-ադրբեջանական համաձայնագիրը խախտելու մեջ²³: Ինչ վերաբերում է Շարուր-Նախիջևանում անձնապուր եղած հայ բնակչությանը և զինվորներին, ՏՏ կառավարությունը դեռևս 1919 թ. նոյեմբերի 15-ին որոշել էր նրանց տեղափոխել Երևանի գավառ: Դեկտեմբերի 29-ին որոշվեց 50 հազար ռուբլի փրամադրել Ալիխան Մակինսկուն, որը հանձն էր առել մեկնել Շարուր և հայերին տեղափոխել, իսկ

19 Տե՛ս Ն. Նախնազարյան, ամո, էջ 358:

20 Տե՛ս ՆԱԱ, ֆ. 200, ց. 1, գ. 484, թ. 9:

21 ՆԱԱ, գ. 475, թ. 54:

22 Տե՛ս ՆԱԱ, գ. 282, թ. 182:

23 Տե՛ս ՆԱԱ, գ. 282, թ. 184-185:

1920 թ. փետրվարի 5-ին որոշվեց գերի թուրքերին փոխանակել Խանուխլարի, Թագաքենդի (Աստրապարի) և Ագուլիսի հայ գերիների հետ²⁴:

1920 թ. փետրվարին Ալիսան Մակինսկին և ուրիշներ ամերիկացի գնդապետ Շելլի ղեկավարությամբ, մի քանի բեռնապար մեքենաներով, 1500 փութ ալյուր, շաքար և այլ մթերքներ, մեկնեցին Շարուր-Նախիջևան, հայ գերիներին հայաստան կամ Պարսկաստան տեղափոխելու համար:

Մակայն այս առաքելությունը լրիվ ձախողվեց. թուրքերը նրանց չթողեցին Նախիջևանից այն կողմ անցնել, իսկ մթերքներն ու գումարները բռնագրավեցին, բաժանեցին տեղացի թուրքերին²⁵: Այս մասին Շելլը գեկուցում է նաև գնդապետ հասկելին:

Այսպիսով, Գողթնի հայկական այն գյուղերը, որոնք ապավինեցին իրենց ուժերին, դրսևորեցին համերաշխություն և կազմակերպված պաշտպանվեցին, փրկվեցին կոտորածից, իսկ մյուսները, ովքեր հանձնվեցին թշնամու ողորմածությանը՝ կոտորվեցին:

24 Տե՛ս ԲՆԱ, էջ 72:

25 Տե՛ս անդ: